

Ed.

672. Frumvarp

til laga um stjórn póstmála og símamála.

(Eftir 3. umr. i Nd.).

1. gr.

Atvinnu- og samgöngumálaráðuneytið hefir yfirstjórn allra póstmála og símamála i landinu.

Póstmálastjóri stjórnar framkvæmdum póstmálanna og hefir umsjón með rekstri póststarfanna. Laun hans eru hin sömu sem aðalpóstmeistara eru ákveðin í launalögum.

Landssímastjóri stjórnar framkvæmdum símamálanna og annara hraðskreytamála og hefir umsjón með rekstri þar að lútandi starta.

Báðir þessir embættismenn standa beint undir atvinnu- og samgöngumálaráðuneytinu og eru því til aðstoðar í öllu því, sem póstmál og símamál varðar, hvor á sínu sviði. Konungur veitir þessi embætti.

2. gr.

Til aðstoðar póstmálastjóra skipar ráðherra póstritara, póstfulltrúa og aðra aðstoðarmenn eftir þörfum, en til aðstoðar landssímastjóra símaverkfræðing, fulltrúa í aðalskrifstofu landssímans og aðra nauðsynlega aðstoðarmenn.

3. gr.

Í Reykjavík skal vera sjerstakur forstöðumaður fyrir póststofunni og sjerstakur stöðvarstjóri fyrir landssímastöðina.

Annarsstaðar á landinu, þar sem í sama kaupstað, kauptúni eða sveitabæ er bæði póstafræðsla og fyrsta eða annars flokks landssímastöð, er stöðvarstjóri landssímastöðvarinnar jafnframt póstafræðslumaður, og stendur hann að því leyti beint undir póstmálastjóra, ef hann hefir sjálfstæða reikningsfærslu. Ráðherra getur þó veitt undanþágu frá því, að sami maður gegni bæði stöðvarstjóra- og póstafræðslumannsstarfi, þegar sjerstakar ástæður eru fyrir hendi.

4. gr.

Ráðherra skipar, að fengnum tillögum póstmálastjóra, forstöðumann fyrir póststofunni í Reykjavík og, að fengnum tillögum landssímastjóra, stöðvarstjórnann í Reykjavík, með sömu launum og póstmeistari og stöðvarstjóri í Reykjavík hafa nú samkvæmt launalögum. Ennfremur skipar hann, að fengnum tillögum landssímastjóra og póstmálastjóra, alla þá stöðvarstjóra, sem jafnframt eru póstafræðslumenn. Stöðvarstjóraembættin í Reykjavík, Akureyri, Siglufirði, Borðeyri, Ísafirði, Hafnarfirði, Vestmannaeyjum og Seyðisfirði má ekki veita öðrum en þeim, sem færa sönnur á, að þeir hafi lært simritun og, að undanteknu stöðvarstjóraembættinu í Reykjavík, að þeir hafi einnig aflað sjer þekkingar á póstmálum.

Stöðvarstjórnarnir á Akureyri og Seyðisfirði skulu hafa að byrjunarlaunum 3500 kr. á ári, er hækka á hverjum tveggja ára fresti um 200 kr. upp í 4500 kr. Stöðvarstjórnarnir á Siglufirði, Borðeyri, Ísafirði, Hafnarfirði og Vestmannaeyjum hafa að byrjunarlaunum 3000 kr., er hækka á hverjum tveggja ára fresti um 200 kr. upp í 4000 kr. Á launin skal greiða verdstuðuluppbót samkvæmt reglum launalaganna. Auk launanna hafa stöðvarstjórnar þessir ókeypiss húsnæði, ljós og hita. Ráðherra ákveður þeim árlega hæfilega upphæð úr póstsjóði til aðstoðar við póstafræðsluna, að fengnum tillögum póstmálastjóra, en starfræksla símastöðvarinnar greiðist úr rikissjóði. Ennfremur ákveður ráðherra, að fengnum tillögum landssímastjóra og póstmála-

stjóra, laun og aðstoðarfje annara þeirra stöðvarstjóra og póstafræðslumanna, sem ræðir um í 3. gr.

Ráðuneytið ákveður að öðru leyti tölu starfsmanna við póst og síma, eftir því sem þörf gerist.

5. gr.

Nú er forstaða póst- og símastöðva sameinuð á Akureyri, Siglufirði, Borðeyri, Ísafirði, Hafnarfirði, Vestmannaeyjum og Seyðisfirði, og skal þá telja þjónustuar viðtakanda í hinu nýja embætti frá þeim tíma, er hann var skipaður í það embætti, sem hann áður gegndi.

6. gr.

Með lögum þessum eru úr gildi numin lög nr. 31, 16. nóv. 1907, um forstjórn landssímanna, og 1. gr. póstlaga, nr. 5, 7. maí 1921, svo og önnur lagaákvæði, sem fara í bága við lög þessi.

7. gr.

Lög þessi öðlast gildi 1. janúar 1930. Frá þeim tíma skal sameiningu þeirri á starfrækslu síma og pósts, er í þeim felst, komið á jafnóðum og stöðurnar losna, enda falla þá niður póstmeistaraembætti þau og póstafræðslumannsstöður, sem óþörf verða vegna sameiningarinnar. Þó er ráðherra heimilt að koma sameiningu á, þótt póstafræðslumannsstarfið sje ekki laust, ef því er samfara sparnaður fyrir rikissjóð, sem telja verður verulegan í hlutfalli við laun fyrir störfin, og þegar af því leiðir veruleg þægindi fyrir viðskiftamennina. Póstmalastjóraembættið kemur í stað aðalpostmeistaraembættisins, og heldur núverandi aðalpostmeistari óskertum launum sínum, svo sem þau eru nú, meðan hann gegnir póstmálastjóraembættinu.